

集部

欽定四庫全書 禁事正宗卷十六

詳校官右中九臣薩 敏

助教臣常循覆勘

校對官中書臣潘庭筠 覆校官中書臣康儀到 **腾録舉人臣史** 

堂

次之日与上中日 · 人學者必釋菜以禮其先師其學官四時之祭乃皆釋 續文章正宗 一古者士之見師以菜為擊故始 胡 倪 真德秀 溢 歐陽修 原本 増訂 重編

後之學者莫不宗馬故天下皆尊以為先聖而後世無 百祭其先聖先師若唐虞之夔伯夷周之周公魯之孔 馬而今釋莫幸存然亦無樂又不編舉於四時獨春秋 莫釋莫有樂無尸而釋菜無樂則其又略也故其禮亡 金行四月台書 子其國之無馬者則必合於鄰國而祭之然自孔子沒 行事而已記曰釋奠必有合有國故則否謂凡有國各 以易學校廢久矣學者莫知所師一有又取孔子門 之髙弟曰顔回者而配馬以為先師隋唐之際天下州

荣謂有德之報雖堯舜莫若何其謬論者與祭之禮以 此為盛甚者乃謂生雖不得位而沒有所享以為夫子 者之故享弟子春秋之禮而後之人不推所謂釋莫者 所從祭則皆廟而祭之首卿子曰仲尼聖人之不得勢 縣學廢而釋奠之禮吏以其著令故得不廢學廢矣無 縣皆立學置學官生員而釋奠之禮遂以著令其後州 徒見官為立祠而州縣莫不祭之則以為夫子之尊由 者也然使其得勢則為堯舜矣不幸無時而沒特以學 C. 10.01 A.L. 續文章正宗

多不能習至其臨事舉多不中而色不莊使民無所膽 金分四月至言 大宋之與於今八十年天下無事方修禮樂崇 仰見者怠馬因以為古禮不足復用可勝歎哉口無此 先王之禮器馬其牲酒器幣之數升降俯仰之節吏又 事有樂舞授器之禮今又廢則於其略者又不備馬然 失而州縣幸有社稷釋奠風雨雷師之祭民猶得以識 迎尸酌鬯為盛釋莫薦饌直奠而已故曰祭之略者其 古之所謂古凶鄉射賓燕之禮民得而見馬者今皆廢 卷十六 四字

書率其邑之子弟與於學然後一作者制度圖記為姐 |宣王廟易於縣之左大其正位為學舍於其旁藏九經 學者莫肯盡心馬穀城令狄君栗為其邑未逾時修文 不急一段載于此下穀城縣政久廢秋君居之春月稱以大宋之興至謂之穀城縣政久廢秋君居之春月稱 之字意凡有司簿書之所不責者謂之不急非師古好 之號以褒崇之講正其禮下於州縣而吏或不能喻上 桁以文太平之功以謂王爵未足以尊夫子又加至聖 且邊龍縛爵置為兄若干百餘事以與其邑人行事 黄之軍王京

|吾臧武仲之屬的志於善而有補於當世者成不廢也 忽以偷一時之利者異也孔子論古之士大夫若管夷 之際能自懷慨不顧萬死畢諫於所事此其志與夫自 治又能遵國典修禮與學急其有司所不責者認認然 多片匹母全書 折不測之楚仇執恥雪名震天下豈不壯哉及其危疑 予觀子胥出死亡逋竄之中以客寄之一身卒以說呉 惟恐不及可謂有志之士矣 伍子胥廟記 王安石

之顏殿屋渠渠千載之祠如祠之初孰作新之民勘而 隆之吳殿廢不遂邑都俄墟以智死昏忠則有餘胥山 烈烈子胥發節窮逋遂為冊臣奮不圖驅諫合謀行隆 九年樂安將公為杭使其州人力而新之余與為銘也 之所與蓋亦子胥之節有以動後世而爱尤在吳也後 者周行廟庭歎吳二千有餘年事之與壞廢革者不可 然則子胥之義又曷可少耶康定二年予過所謂胥山 勝數獨子胥之祠不徙不絕何其盛也豈獨神之事吳

次足四草全生日 一

續文章正宗


也坊庸道路馬蠶貓虎之靈其為類至細世常嚴而事 |灼龜審於夢寐其為事至淺世常尊而用之未之有改 事而辨至於不惑則理之微妙皆足以盡之今夫推策 超維忠肆懷維孝肆孚我銘祠庭示後不誣 金グロ人ノニ 之未之有發也水旱之災日月之變與夫兵師疾痛見 事常蔽於其智之不周而辨常過於所惑智足以周於 **虽鼠豕之害凡一题之作世常有祈有報未之有止也** 閬州張侯廟記 曾 翠

**敌古之有為於天下者盡已之智而聽於人盡人之智** 周於事而其辨足以不惑則理之微妙皆足以盡之也 其備者皆聖人之法何也彼有接於物者存乎自然世 精神之極其叩之無端其測之甚難而尊而信之如此 而聽於神未有能廢其一也書曰朕志先定詢謀愈同 人者豈用其聰明哉善因於理之自然而已其智足以 既不得而無則聖人固不得而廢之亦理之自然也聖 金縢之書雲漢之詩其意可謂至而其解可謂盡矣夫

灰空四車全書 一

續文章正宗

智而聽於神也縣是觀之則首鄉之言以謂雪筮救日 騎將軍領司隷校尉西鄉張侯名飛字益德當守是州 之不周而過生於其所感也閬州於蜀為巴西郡蜀車 州之東有張侯之冢至今千有餘年而廟祀不廢每歲 於神其可也謂神之為理者信然則過矣蔽生於其智 小人以為神者以疾嫉作夫世之不盡乎在已者而聽 鬼神其依龜筮協從所謂盡已之智而聽於人盡人之 大旱禱雨輒應嘉祐中比數歲連熟閱人以謂, 為 ら作張



嘉祐二年予為廬州從事始以事至舒城觀所謂七門 得羹頡侯信馬初漢以龍舒之地封信為列侯信廼為 予於是數美其力後二年校書郎包君廓為縣主簿當 書實魏楊州刺史劉馥所造自魏至今七百有餘歲云 金月日月月月 民畎澮舒河以廣溉浸信為始基至馥時廢而復修耳 與予語及之包君謂予曰馥信有功然吾問於者老而 三櫃者問其居人其溉田幾何對曰凡二萬頃考於圖

野戰滅國屠邑是二三子之所謂能殺人者也與夫關 於民以與萬世之利其愛惠豈與買濞相侔哉夫攻城 功此二人者裂地為王連城數十代王喜以棄國見省 昆弟之有材能者買以征伐顯交以出入傳命謹信為 諾項之包君以書告曰廟謹畢事子曰昔高帝之起宗 我將為侯廟祀之而以馥配子幸為我記之馬予因曰 而子濞亦用力戰王吳獨信區區僅得封侯而能勤心 乎然吾恨史策之有遺而吾憐舒人之不忘其思也今

たいりあんかう

續文章正宗

榮殁則已馬者乎夫事有可繼君子繼之不必其肇於 所敢望矣雖然彼賈濞之死泯滅無聞久矣而信至今 者於以相譬猶天地之懸絕也然而買濞以功自名信 地墾土使數十萬之民世世無飢餒之患所謂善養人 金片口居人可 已而後為功也若劉刺史起於三國亂亡之餘蒸庶掃 不見録豈殺人易以快意養人不見形象哉周公之書 民猶思而記之此所謂得乎丘民而世之寵禄當時則 曰民功曰庸藉使信生當周公之世其受賞非賈濞之

置吏旋復為夷邳離始伐滅其國開九郡然至東漢二 女子側貳及嶺南震動六十餘城世祖初平天下民勞 也後伏波新息馬侯也南越自三代不能有秦雖稍通 漢有兩伏波皆有功德於嶺南之民前伏波邳離路侯 謂功矣予既嘉包君之能狗於民使侯信之美不忘又 地顧獨以農為先事功一立迄今長存雖曰脩舊是可 其建祀合於先王之法於是書之 伏波將軍廟碑

九三日三十二

續文章正宗

海上有伏波祠元豊中詔封忠顯王凡濟海者必卜馬 苦戰則九郡左衽至今矣由此論之兩伏波廟食於貧 多片四月全書 厭兵方閉玉關謝西域況南荒何足以辱王師非新息 耳或置或否楊雄有言朱崖之棄捐之之力也否則介 必不吾欺者嗚呼非盛德其孰能然自漢以來朱崖儋 南者均也古今之傳莫能定于一自徐聞渡海適朱崖 曰某日可濟乎必吉而後敢濟使人信之如度量衡石 南望連山若有若無杳杳一髮耳艬舟將濟眩栗喪魄 

寄命一葉萬仍中自此而南洗汝育撫循民夷必清通 海北往返片順風無以答神此者乃碑而銘之銘曰 言棄乎四州之人以徐聞為咽喉南北之濟者以伏波 たこうきいこう 自此而北端汝躬屈信窮達常正忠生為人英沒愈雄 至嶮莫測海與風至幽不仁此魚龍至信可恃漢兩公 為指南事神其敢不恭軾以罪詢儋耳三年今乃獲還 麟易我衣裳此言施於當時可也自漢末至五代中原 避亂之人多家於此今衣冠禮樂蓋斑斑然矣其可復 續支章正宗

失其智負育失其勇儀秦失其辯是孰使之然哉其必 中呂自嶽降而傳說為列星古今所傳不可誣也孟子 之化關盛衰之運其生也有自來其逝也有所為矣故 神雖無言意我同 動好四扇在書 天地之間卒然遇之則王公失其貴晉楚失其富良平 匹夫而為百世師一言而為天下法是皆有以參天地 曰我善養吾浩然之氣是氣也寓於尋常之中而塞乎 潮州韓文公廟碑 卷十六

忠犯人主之怒而勇奪三軍之帥豈非參天地關盛衰 者矣故在天為星辰在地為河嶽幽則為思神而明則 浩然而獨存者乎蓋嘗論天人之辨以謂人無所不至 端並起歷唐貞觀開元之盛輔以房杜姚宋而不能救 復為人此理之常無足怪者自東漢以來道喪文弊異 正蓋三百年於此矣文起八代之衰而道濟天下之溺 獨韓文公起布衣談笑而麾之天下靡然從公復歸於 有不依形而立不恃力而行不待生而存不隨死而亡

大きり事をき

續文章正宗

天下不可以得匹夫匹婦之心故公之精誠能開衡山 惟天不容偽智可以欺王公不可以欺豚魚力可以得 潮之士皆篤於文行延及齊民至于今號稱易治信乎 使其身一日安於朝廷之上蓋其所能者天也其所不 南鎮李逢吉之懿能信於南海之民廟食百世而不能 すりせんと言う 能者人也始潮人未知學公命進士趙德為之師自是 之雲而不能回憲宗之惑能則鰐魚之暴而不能彌皇 孔子之言君子學道則愛人而小人學道則易使也潮

次足の自己と 在地中無所往而不在也而潮人獨信之深思之至焄 者聽民謹超之卜地於州城之南七里春年而廟成或 士治民者一以公為師民既悅服則出令曰願新公廟 廟不果元祐五年朝散郎王君滌來守是邦凡所以養 在刺史公堂之後民以出入為艱前守欲請諸朝作新 不眷戀于潮審矣軾曰不然公之神在天下者如水之 曰公去國萬里而謫于潮不能一歲而歸沒而有知其 人之事公也飲食必祭水旱疾疫凡有求必禱馬而廟 續文章正宗

草木衣被昭回光追逐李杜參翱翔汗流籍混走且僵 滅沒倒景不可望作書訴佛譏君王要觀南海窺衡湘 飄然乘風來帝旁下與濁世掃粃糠西遊咸池略扶桑 其詞曰 之廟潮人請書其事于石因作詩以遺之使歌以祀公 舊悽愴若或見之譬如鑿井得泉而曰水專在是豈理 也哉元豐七年詔封公昌黎伯故榜曰昌黎伯韓文公 公昔騎龍白雲鄉手挟雲漢分天章天孫為織雲錦裳

后氏之璜皆所以守其社稷鎮撫其人民也唐代宗之 傳帝命曰中原兵久不解腥聞于天故以此寶鎮之則 世有比丘尼若夢慌忽見上帝者得八寶以獻諸朝且 古者王室及大諸侯國皆有寶周有琬琰大玉魯有夏 次足四年在第一 於粲荔丹與蕉黃公不少留我涕滂翩然被髮下大荒 歷舜九疑男英皇祝融先驅海若藏約東鮫鰐如驅羊 釣天無人帝悲傷謳吟下招遣巫陽爆牲雞卜羞我觞 峻靈王廟碑 編文章正宗

瓊至儋又西至昌化縣西北二十里有山秀崎海上石 存馬耳天地之寶非人所得睥睨者張華使其客雷煥 皆溺死儋之父老猶有及見敗舟山上者今猶有矴石 知望氣者曰是山有寶氣上達于天樣舟其下斷山發 峰斃然若巨人冠帽西南向而坐者俚人謂其山胳膊 改元寶應以是知天亦分寶以鎮世也自徐聞渡海思 石以求之夜半大風浪駕其舟空中碎之石峯之下夷 而偽漢之世封山神為鎮海廣德王五代之末南夷有

たとりまたから 其事碑而銘之山有石池産紫鮮魚民莫敢犯石峰之 得還者山川之神實相之再拜稽首西嚮而解馬且書 詔徒魚州自念謫居海南三歲飲鹹食腥陵暴颶霧而 七月瓊州別駕私軾以罪禮于儋至元符三年五月有 神為峻靈王用部使者承議郎彭次雲之請紹聖四年 取而已有之其誅死宜哉皇宋元豐五年七月詔封山 發動城獄取寶劍佩之華終以忠遇禍坐此也夫今此 山之上上帝賜寶以真南極而貪胃無知之夷欲以力 續文章正宗

昭靈侯南陽張公諱路斯隋之初家顏上縣白社村年 銘碑曄然照無窮 小大逍遙遂鰕龍鷄鶋安栖不避風我浮而西今復東 峻靈獨立秀且雄為帝守寶甚嚴恭庇麼嘉穀歲屢豐 瓊崖千里塊海中民夷錯居古相容方壺蓬萊此别宮 側多茄支黄柑得就食持去則有風雹之變其銘曰 金月口屋人雪 下六中明經第唐景龍中為宣城令以才能稱夫人石 昭靈侯廟碑

青約者鄭也明日九子以弓矢射青約者中之怒而去 次定四車全里日 續文章正宗 之西山以死為龍穴山九子皆化為龍而石氏葵屬洲 釣處有宮室樓殿遂入居之自是夜出旦歸歸輒體寒 氏生九子自宣城罷歸常釣于焦氏臺之陰一日顧見 公亦逐之所過為谿谷以達于淮而青綃者投于合淝 與我爭此居明日當戰使九子助我領有絲綃者我也 而濕夫人驚問之公曰我龍也夢人鄭祥遠者亦龍也 公之兄為馬步使者子孫散居顏上其墓皆存馬事見

夫人廟有穴五往往見變異出雲雨或投器穴中則見 中司封郎中張徽奏乞爵號詔封公昭靈侯石氏柔應 旨陶穀為記其事蓋自淮南至于察許陳汝皆奔走奉 早其刺史司超聞公之靈禁祠于蔡既雨翰林學士承 臺乾寧中刺史王敬羌始大其廟有宋乾德中蔡州大 祠景德中諫議大夫張秉奉詔益新賴上祠宇而熙寧 陽文忠之集古録云自景龍以來里人世祠之于焦氏 于唐布衣趙耕之文而傳于淮頻問父老之口載于歐 欽定四車全書 為人天飛為龍惠于有生我則從之淮頻之間篤生張 故能勇有殺有生以仁為終相彼幻身何適不通地行 藏廟中元祐六年秋早甚郡守龍圖閣學士左朝奉郎 **養較迎致其骨于西湖之行祠與吏民禱馬其應如響** 維古至人冷然乘風變化往來不私其躬道本於仁仁 乃益治其廟作碑而銘之銘曰 于池而近歲有得蛟骨于池者金聲玉質輕重不常今 公跨歷隋唐顯于有宋上帝寵之先帝封之昭于一方 續文章正宗

蝗 點開闔抑揚孰知其功坎坎擊鼓巫師老農斗酒隻 然歸壑千里一空 公居其間拯溺弔凶救藥疾癘驅攘 萬靈宗之哀我賴民處塔而窮地傾東南潦水所鍾忽 傷農工恭不在外洗濯厥胷以此事神神聽則聰敢 雞四簋其餘度公之居貝闕珠宮揆公之食瓊體玉餐 不然上帝之恫 何以稱之我愧于中公之所饗惟誠與恭誠在愛民無 東嶽廟四海南 曾 肇

費以轉運使若判官一員該作先是會人相率出財為 臺門一曰太嶽為掖門二曰錫符錫羨直太嶽為重門 功神明報禮上下既作齊宮于南北郊以追述神考親 宋與百三十有八年海内人安符瑞畢至哲宗皇帝推 次足四東全里司 正殿重門頗極壯麗而它殿若門若廊制度庫監不足 祠天地之志廼謂山川之神五嶽最巨而岱為其宗面 命守臣往視廟貌撒而新之詔京東路轉運司給其工 以稱雖有囿游而無亭觀以待神御廼因舊益新南為 續文章正宗

為殿三曰嘉寧蕃社儲祐旁為殿堂二十有三為碑樓 二日鎮安靈即東西北為門各一日青陽素景會詹中 其本末題拜手稽首而言曰自昔帝王受命告代必於 告成前詔翰林學士臣某為之記臣某皇恐奉詔既書 施總為屋七百九十有三區絲以崇墉表以雙闕積工 金グセスノニ 年六月至今皇帝即位之明年實建中靖國元年十月 五十四萬有奇用錢六千八百萬有奇改作於紹聖四 四後為殿亭五以臨池籞殿曰神遊飛觀列峙修廊周

次と四事全書 靈烜赫以警動禍福於人者亦非衆神所得而脩故雖 書載在史官雜見於傳記宣獨高明俶說瑰傑秀異為 傲咸知敬畏豈尚然哉本朝自太祖太宗繼詔有司增 作鎮一隅而萬乘之君莫不尊禮四方士民雖荒獷悖 之雲澤及萬國功利之博如此固非它山可望而其威 天下之奇觀哉蓋其位則東其德則仁其氣則生膚寸 時巡守會諸侯協制度秩羣神必自泰山始其著于詩 泰山功成道洽符出刻石紀號昭姓考瑞必於泰山歲 續文章正宗

為哉蓋出於已者盡其宜施於人者致其厚然後接於 成臨拜嶽祠猶以為未足又加天齊王以帝號廟制祠 和兆民國家所以安富尊榮蕃衍盛大者豈專以神事 則先皇帝經其始今皇帝發其成土木采章極其輪與 具與次俱升殿後三宗崇奉祗恪不懈益虔至于斯宮 大神宇真宗朝修飾禮樂懷柔百神而山為効符命出 醴泉神芝僊禽前後萬計天子親奉玉檢登封降禪禮 以重神威以壯東夏可謂盛矣雖然祖宗所以綏萬邦 分グロ人ノニア 欠正司事在自司 曾政踵之長不約而咸實象與丹甑昭華延喜之珍不 求而自至然後增封廣禪以侈先烈駐蹕新宮以答神 **貺於斯時也則有儒學宗工作為聲詩如吉甫頌周史** 惟草木蟲魚罔不咸若雨腸寒燠各以序至哉將有貫 食以崇廟祀率是道也行之不已德日新又日新則豈 薄海内外無思不服方且嚴恭寅畏以交神祇里宮菲 而况於人乎況於思神乎今皇帝仁孝聰明格于上下 神者無所不用其極故聲色所鄉號令所加天且不違 續文章正宗

維神之居金篋玉策維神之符崇朝之雲徧雨天下非 宗是仰告代勒成百靈咸享圖書所記七十二家增高 嚴嚴泰山棒嶽之長豈止齊魯四方之望維昔帝王是 如臣者鳥足與此哉若夫今日之事臣職也不敢以淺 克頌會被之越歌勒之金石昭示萬世與詩書俱傳顧 廣厚匪以為夸降及秦人矜功變古驅車中途則窘風 雨豈伊崇髙人莫敢侮有神可之惟德是輔阿閣石閭 **陋辭謹為銘曰** 金分正屋人

萬雄之媽觽展龍章巍然殿中神既安止人斯受祉豈 欠とりませんから 制燎乎文章愈久益備成此新宮維今天子百常之觀 廟廷以答神即備物典册往崇號諡棟宇衣冠罔非帝 是宗孰帝其號自我真宗維我真宗乘時治平秦弓束 天錫子何以報之封禪是圖升中告成幽顯來相回與 仁獸一角靈芝九並應圖合課不可舜名天子曰嘻維 神之力孰能為者周商之前視秩上公至于有唐王爵 失奠枕于京雨暘以時百穀用成航浮索引萬國來廷 續文章正宗

此族也不在祀典夫谷平於川丘陵早於山茍有益於 藏件昌而熾仰我孫子本支百世延及動植有生咸遂 禮山林川谷丘陵能出雲為風雨見怪物皆曰神諸侯 授我神策周而復始神亦萬年為宋望祀 在其地則祭之又曰山林川谷丘陵民所取材用也非 日新荒遐暴驁奔走來臣上帝所怙匪惟爾神俾壽而 一方燕及四海維今天子仁孝儉勤緝熙光明德藝 軍山廟碑

子がんでたろう

卷十六

穴投以鐵石雨輒隨霔其産竹箭材章利及此壤縣固 羆虎而翔鳳鸞宜其能出雲雨見怪物給民財用以為 多大山而兹山傑出見於百里之外其勢雄氣秀若蹲 其上四峯崛起望之蒼然其旁飛瀑一寫千尺其下龍 軍山南豐之望也孜於圖記其萬十有九里餘二百步 此邦之望也舊傳吳芮當攻南粵駐軍此山其將梅銷 人皆家報禮況夫崇髙廣大拔出其類而能禦菑與利 鄉一邑之望者其受命天子享有廟食豈非稱哉

次之四華全事

鏡文章正宗

封貢未加民以為敵部使者請于朝久之不報元符三 軍山為舊部使者之言不誣願如其請認封神為嘉惠 **昇元三年之遺址也闔境祈禳有請輒應悉千餘年而** 事益度後其廟屬從今在野水之陽距縣七里者南唐 侯廟曰靈感軍山廟命書下臨邦人動色相與嘉神之 年六月令丞相自公某時知福密院事奏臣南豐人知 人祀之蓋自兹始唐開元中復見靈跡廼大建祠守承

祭馬禮成若有亡綺麾甲之狀彌覆山上因號軍山邦

をとり 日とき 命休養生息百四十年户口蕃庶室家豐樂雖八聖德 末喪亂中原五易姓而此邦恬然兵火莫及逮本朝受 易足故椎埋鼓鑄盜殺之姦視諸其鄰有弗為也自唐 行沃蜚蝗不至故歲常順成而凶饑之菑少民寡求而 窮處地廹兩粵然其風氣和平無瘴氛毒厲之虞水土 武軍後號建昌國初改也軍在大江極南而南豐又其 弟某為之記蓋南豐南城舊皆臨川屬邑南唐分置建 功侈上之賜廼合財力廣其廟而新之廟成丞相屬其 續文章正宗

銷忿爭兮非神之助歲莫登兮我有室家神所祐兮我 土膏起兮流泉缺兮我祖于田偕婦子兮既耕且藝耘 且耔兮一歲之功在勤始兮野無螽蟆塘有水兮非神 寵宜有文字以垂亡窮故為書其本末且綴以詩使那 兮困藏露積如坻京兮遗東滯穗富鰥筦兮酒食勸酬 之力其能使兮我岂盈兮我實成兮揮鎮挃挃風雨聲 澤涵濡覆露亦神之幽貲為福使然揆實正名既見褒 人春秋歌以祀焉詩曰

多月中国石雪里

惟光武以禮下之在蠱之上九衆方有為而獨不事王 聖人之時臣妾億兆天下孰加馬惟先生以節禹之既 先生光武之故人也相尚以道及帝握亦符乘六龍得 而動星象歸江湖得聖人之清泥塗軒見天下孰加馬 獻無終窮兮千秋萬歲保斯宮兮 厚兮釀酒刑牲肴核豐兮吹簫考鼓聲逢逢兮我民薦 有耄倪神所壽兮神之惠我維其舊兮上之報神亦云 桐廬嚴先生祠堂記

其後者四家以奉祠事又從而歌曰雲山蒼蒼江水決 微光武豈能遂先生之高哉而使貪夫魚懦夫立是有 貴下賤大得民也光武以之蓋先生之心出乎日月之 决先生之風山髙水長 侯禹尚其事先生以之在屯之初九陽德方亨而能以 大功於名教也仲淹來守是那始構堂而奠馬廼復為 上光武之量包乎天地之外微先生不能成光武之大 多好四样全世 徐孺子祠堂記 曾

避百餘年間擅殭大覬非望者相屬皆逡巡而不敢發 漢自元興以後政出宦者小人挟其威福相煽為惡中 既没而漢亦以亡當是之時天下聞其風慕其義者人 起其執彌堅而其行彌屬志雖不就而忠有餘故及其 别是非白黑不少屈其意至於不容而織羅鉤黨之獄 材顧望不知所為漢既失其操柄紀綱大壞然在位公 人感慨奮激至於解印綬棄家族骨肉相勉趨死而不 **鄉大夫多豪傑特起之士相與發憤同心直道正言分** Ē

孔子稱顏回用之則行舍之則藏惟我與爾有是夫孟 孺子當謂郭林宗曰大木將顛非一繩所維何為栖栖 異於懷禄之臣逐矣然而不屑去者義在於濟物故也 漢能以亡為存蓋其力也孺子於時豫章太守陳蕃太 仁一也在位士大夫抗其節於亂世不以死生動其心 **銀皮匹庫全書** 不皇寧處此其意亦非自足於丘壑遺世而不顧者也 尉黃瓊辟皆不就舉有道拜太原太守安車備禮召皆 不至蓋忘已以為人與獨善於隱約其操雖殊其志於

時則見其不可而止此孺子所以未能以此而易彼也 太守徐熙於孺子墓隧種松太守謝景於墓側立碑晉 東為東湖湖南小洲上有孺子宅號孺子臺吳嘉禾中 子而易於君子小人消長進退擇所宜處未嘗不惟其 子亦稱孔子可以進則進可以止則止乃所願則學孔 北徑南昌城西歷白社其西有孺子墓又北歷南塘其 孺子姓徐名稱孺子其字也豫章南昌人按圖記章水 たこりint Aitin 一 続文章正宗 永安中太守夏侯嵩於碑旁立思賢亭世世修治至拓

結茅為堂圖孺子象祠以中牢率州之賔屬拜馬漢至 嘗為孺子宅又嘗為臺也余為太守之明年始即其處 跋魏時謂之聘君亭今亭尚存而湖南小洲世不知其 其出處之意為記馬 思至今則世之欲以智力取勝者非惑與孺子墓失其 今且千歲富貴堙滅者不可稱數孺子行出問巷獨稱 銀灯四周至書 地而臺幸可考而知祠之所以視那人之尚德故并采 撫州顏魯公祠堂記 卷十六

宗時與元載爭論是非載欲有所壅蔽公極論之又頼 言宰相不悅斥去之义為御史唐旻所構連輒斥李輔 為之備禄山既舉兵公與常山太守果柳伐其後賊之 CANDINE PRINCIPAL 烈也初公以忤楊國忠斥為平原太守知安禄山必反 兄果御皆有大節以死至今雖小夫婦人皆知公之為 贈司徒魯郡顏公諱真柳事唐為太子太師與其從父 國遷太上皇居西宮公首率百官請問起居又輒斤代 不能直閱潼關以公與杲꼒撓其勢也在肅宗時數正 續文章正宗

續任政天下日入於弊大盜繼起天子朝出避之唐之 · 百順且誠天下從之矣自此至公殁垂三十年小人繼 李希烈陷汝州杷即以公使希烈希烈初慚其言後卒 開土門同日歸公者十七郡得兵二十餘萬縣此觀之 禄山既反天下莫不震動公獨以區區平原遂折其鋒 縊公以死是時公年七十有七矣天寶之際久不見兵 四方聞之爭奮而起唐卒以振者公為之倡也當公之 **广楊炎盧杞既相德宗益惡公所為連斤之猶不湍意** 

金月四月月十日

也歟惟厯忤大姦顛跌撼頓至於七八而始終不以死 至於勢窮義有不得不死雖中人可勉馬況公之自信 也若至於起且什以至於七八遂死而不自悔者則天 悔者寡矣至於再三忤於世失所而不自悔者蓋未有 浮圖之說不皆合於理及其奮然自立能至於此者蓋 下一人而已若公是也公之學問文章往往雜於神僊 在朝臣多畏怯觀望能居其間一忤於世失所而不自 天性然也故公之能處其死不足以觀公之大何則及 V 續文章正宗

たとりゅんこう

|天不可以事君而多殺身以成仁者若公非孔子所謂 之清伊尹之任孔子之時彼各有義夫既自比於古之 生禍福為秋毫顧慮非為於道者不能如此此足以觀 烈以公之嘗為此邦也遂為堂而祠之既成二君過于 任者矣乃欲睹顧回隱以市於世其可乎故孔子惡鄙 仁者與今天子至和三年尚書都官郎中知撫州聶君 公之大也夫世之治亂不同而士之去就亦異若伯夷 厚載尚書屯田員外郎通判撫州林君慥相與慕公之

金分四月百十

者矣 KILL DIET VINE DE 莊子家人也當為家漆園吏沒千餘歲而家未有祀之 尊而事之以風示當世為法令之所不及是可謂有志 縣之政非法令所及者世不復議二君獨能追公之節 至也聞其烈足以感人沉拜其祠為親炙之者與今州 於祠之有無蓋人之嚮往之不足者非祠則無以致其 之家而告之曰願有述夫公之赫赫不可蓋者固不繫 莊子祠堂記 續文章正宗

|子則不可以為事公子之法亦不可故莊子之言皆質 楚公子微服出亡而門者難之其僕操築而罵曰隸也 子之粗者余以為莊子蓋助孔子者要不可以為法耳 文盗蹠胠篋以訴訾孔子之徒以明老子之術此知莊 者縣令秘書丞王競始作祠堂求文以為記謹按史記 莊子與梁惠王齊宣王同時其學無所不閱然要本歸 金月四月百十日 不力門者出之事固有倒行而逆施者以僕為不愛公 於老子之言故其著書十餘萬言大抵率寓言也作漁

觀之得其寓言之終曰陽子居西遊於秦遇老子老子 若真訊孔子者至於讓王說劒皆淺陋不入於道反覆 家而孔子不與其尊之也至矣然余嘗疑盗臨漁父則 彭家慎到田駢闊尹老聃之徒以至於其身皆以為一 子居覧然變容其往也含者將迎其家公執席妻執巾 孔子未當不微見其意其論天下道術自墨翟禽滑釐 曰而睢睢而盱盱而誰與居太白若辱盛德若不足陽 こうしいに 演文章正宗

子而文不予陽擠而陰助之其正言蓋無幾至於訟訾

櫛舍者避席煬者避竈其反也舍者與之爭席矣去其 **毅定四庫全書** 非莊子本意 之以入其言余不可以不辨凡分章名篇皆出於世俗 然後悟而笑曰是固一章也莊子之言未終而昧者劉 寇之齊中道而反曰吾驚馬吾食於十漿而五漿先餽 讓王說劍漁父盜蹠四篇以合於列禦鬼之篇曰列禦 姓任氏諱仮世家眉山吾先君子之友人也故予 黄州師中庵記 鯀 轍

之西為師中庵曰師中必來訪予將館於是明年三月 兄子瞻以譴遷齊安人知其與師中善也復於任公亭 齊安常游於定惠院既去郡人名其亭曰任公其後余 畏而安之不能敗也始為新息令知其民之爱之買田 性任俠喜事故其為吏通而不流猛而不暴所至吏民 知其為人當通守齊安去而其人思之不忘故齊安之 而居新息之人亦曰此吾故君也相與事之不替及來 人知其為吏師中平生好讀書通達大義而不治章句 賣之章正京

新息没而齊安之人為亭與庵以待之使死而有知師 之後哭之皆失聲此豈徒然者哉朱仲鄉為桐鄉嗇夫 夫吏之於民有取而無子有罰而無恩去而民忘之不 我不如桐鄉民既而桐鄉祠之不絕今師中生而家於 有德於其民死而告其子必葬我桐鄉後世子孫奉當 知所怨蓋已為善吏矣而師中獨能使民思之於十年 師中沒於遂州郡人聞之相與哭於定惠者凡百餘人 飯僧於亭而祭師中於庵蓋師中之去於是十餘年矣

多定四库全書

卷十六

**欽定四庫全書** 悍夫姦民心革誠服左右兩宮格于太平是其功德宜 烈著於朝廷施及生民者自匹夫匹婦與夫荒外戎狄 奉議郎王仲孺為温令告其邑人曰惟司馬公道德功 王享而獻王河内温人也故推本其故家而封之五年 之於是進爵為公而國于温惟司馬氏系出晉安平獻 中其將往來於新息齊安之間乎余不得而知也 元祐元年九月甲子丞相司馬公薨朝廷議所以追崇 司馬温公祠堂記 巻十六年正宗 張

三代之士聖賢不作而士之能有所立于世者亦多矣 為之言曰盛德之不作于世久矣古之所謂盛德者不 配社稷天下祀之而温者國也顧不能祠而可乎於是 然皆費心彈力招天下而從之以其智勝之而後能有 之若子弟之慕父兄故其為功也不勞而物莫之能學 成是何也德不足而取辦于其才故也故其所建立勞 施而民服無事而民信未嘗動顏色見詞氣而天下從 度地作堂畫公像而禮祠馬告于熊郡張来使記之来

一级定四库全書 一 子産之所難而況其下者乎故自秦漢而後更千有餘 其罰者有不悅而無敢謗其自洛入覲也郡邑田里至 之未嘗求民而民與之非其類者有不合而無不信受 歲而盛德之士不作蓋無足怪惟司馬公事君而君敬 高之難成也是以甘心于其次以求夫無失嗚呼德者 莫如猛夫子産豈欲為猛哉以謂德之效實難懼夫好 足故也子産君子也猶曰唯有德者能以寬服民其次 告而淺恆夫豈不欲為盛德之事哉蓋其所積者有不 終十二年正宗

萬物服則夫二聖之所以用公其可知也夫某辱游公 嗚呼當大事處大疑勇者招敵智者召謀惟有德而後 盖自秦漢以來至公而盛德之效始見于世可謂盛矣 語術智得之哉故其相天下也因物之所利而與之因 之門而喜王君之好德使以其說書于堂而刻之 人之所厭而更之從容指壓內外響應而天下無事矣 羅君生祠堂記

于京師觀者千萬環聚嗟嘆至于泣下嗟乎此可以言|

者不忍敗給之訟者益少君乃出行諸郊所過召其者 去視鰥寡孤獨之有失其所者如已致馬黎明視事入 有訟曲直徑決於前不以屬吏註誤光小過報誨諭遣 羅君之為江都以誠心為主恥言鉤距惠文之事凡民 老問以疾者及所願欲而不得者為罷行之始復大石 之情孰若勞人之耳目哉居數月政化大行民知其長 夜猶不已或譏其太勞君曰與其委成於吏民有不盡 湖改名元豐廣表數百步溉田千有餘項是歲大粮畝

歌定四庫全書 一

**医十二** 

享之歲滿代去其民思之不日乃聚而謀曰我民之德 勝計歲或乾溢有禱聲祠雨賜輒應如響世益為神其 者又頗出私錢管致樂劑以給疾病之民所衛至不可 收皆倍於是遠近自陳願復陂塘溝渠之利者相屬君 潦水而注諸 江凡水利之與復者五十有五 溉田六千 頃而桑之以課種者亦八十五萬有竒徙其治於東南 一切聽許親至其地與之經始築大堤以邦潮之患疏

**動定四庫全書 营再被召見皆以不合罷歸其蒞官行已所可書者甚** 台州寧海人學術有本本通於世務風節凜然國士也 是即召伯之東法華佛寺置生祠馬羅君名適字正之 斯城北築埭後人因名其埭曰召埭今埭實在江都之 之至不忍伐其所想之棠又有謝公者亦其流也當於 羅君至矣顧無以自效聞古有召伯者善治民民追思 使羅君之名與召謝共傳而不朽不亦可乎衆曰善於 北境盍即其地堂畫羅君之像而祠之以慰吾民且曰 織文章正宗

多矣而晉人獨畏彦章自乾化後常與晉戰屢困莊宗 贈太師公在深以智勇聞深晉之爭數百戰其為勇將 於河上及梁末年小人趙巖等用事深之大臣老將多 軍節度使以身死國葬於鄭州之管城晉天福二年始 有書在江都者以為生祠記云 太師王公諱彦章字子明鄆州壽張人也事梁為宣義 以讒不見信盯作皆怒而有怠心而梁亦盡失河北事 王彦章畫像記 歐陽修

乎其時能不汙其身得全其節者鮮矣公本武人不知 書其語質平生當謂人曰豹死留皮人死留名蓋其義 志至於公傳未當不感憤歎息惜乎舊史殘畧不能備 勇忠信出於天性而然子於五代書竊有善善惡惡之 五十年而更十有三君五易國而八姓士之不幸而出 不就卒死以忠公既死而梁亦亡矣悲夫五代終始纔 勢已去諸將多懷顧望獨公奮然自必不少屈懈志雖 公之事康定元年予以節度判官來此求於滑人得公 賣文章正京

皆舊史無之又云公在滑以讒自歸於京師而史云名 破敵梁之將相聞者皆竊笑及破南城果三日是時莊 者亦皆非也公之攻德勝也初受命於帝前期以三日 言敬翔怒末帝不肯用公欲自經於帝前公因用笏畫 五百人之鄆州以力寡敗於中都而史云將五千以往 之是時梁兵盡屬段凝京師羸兵不滿數千公得保鑿 山川為御史彈而見廢又言公五子其二同公死節此 之孫睿所録家傳頗多於舊史其記德勝之戰尤詳又

動定匹庫全書

卷十六

|惑不能自信及讀公家傳至於德勝之捷乃知古之名 在速速在果此天下偉男子之所為非拘牽常算之士 将少出於奇然後能勝然非審於為計者不能出奇奇 計至今未決予當獨持用奇取勝之議而數邊將屢失 其機時人間予說者或笑以為狂或忽若不聞雖子亦 兵四十年一旦元昊反敗軍殺將連四五年而攻守之 矣莊宗之善料公之善此身出奇何其神哉全國家罷 宗在魏間公復用料公必速攻自魏馳馬來救已不及 こうしょう

限者不繁乎畫之存不存 作否 也而予尤區區如此 之節使然數畫已百餘年矣完之復可百年然公之不 良將也一槍之勇同時豈無而公獨不朽者豈其忠義 馬懼失其真也公儿有善用槍當時號王鐵槍公死已 拜馬歲久磨減隱隱可見亟命工完理之而不敢有加 銀定匹庫全書 百年至今俗猶以名其寺童兒牧豎皆知王鐵槍之為 判州事歲之正月過俗所謂鐵槍寺者又得公畫像而 可到也每讀其傳未當不想見其人後二年子復來通

像識其面目不忍見其壞也畫既完因書予所得者不 者蓋其希慕之至馬耳讀其書尚想乎其人汎得拜其 後而歸其人使藏之馬字 言朋與朕志自定外亂不作變且中起不可以文令又 言流聞京師震驚方命擇帥天子曰好養亂毋助變衆 至和元年秋蜀人傳言有寇至邊軍夜呼野無居人妖 不可以武競惟朕一二大吏孰為能處茲丈武之間其 スページ・スペートー 張益州畫像記 續文章正宗 洵

|亂之前無亂之形是謂將亂將亂難治不可以有亂急 惟爾張公安坐於其旁顏色不變徐起而正之既正油 能禁眉陽蘇洵言於衆曰未亂易治也既亂易治也有 如他日遂以無事又明年相告留公像于淨衆寺公不 謂郡縣寇來在吾無爾勞苦明年正月朔旦蜀人相慶 辭不可遂行冬十一月至蜀至之日歸屯軍徹守備使 命徃撫朕師乃惟曰張公方平其人天子曰然公以親 亦不可以無亂弛是惟元年之秋如器之歌未墜於地

多方四库全書

夫約之以禮驅之以法惟蜀人為易至於急之而生變 贼之法重足屏息之民而以避斧令於是民始忍以其 生惟爾父母且公嘗為我言民無常性惟上所待人皆 然而退無矜容為天子牧小民不倦惟爾張公爾緊以 雖齊魯亦然吾以齊魯待蜀人而蜀人亦自以齊魯之 曰蜀人多變於是待之以待盜賊之意而絕之以繩盜 父母妻子之所仰賴之身而棄之於盜賊故每每大亂 《待其身岩夫肆意於法律之外以威劫齊民吾不忍 過文章正式

為也嗚呼愛蜀人之深待蜀人之厚自公而前吾未始 於心則存之於目存之於目故其思之於心也固由此 見其為人而史官亦書之於其傳意使天下之人思之 其長短大小美惡之狀甚者或詰其平生所嗜好以想 居聞一善必問其人之姓名與其鄉里之所在以至於 見也皆再拜稽首曰然蘇洵又曰公之恩在爾心爾死 何皆曰公則何事於斯雖然於我心有不釋馬今夫平 在爾子孫其功業在史官無以像為也且公意不欲如

一一级定四库全書 一

とこうこここり 家無敢或訛訛言不样徃即爾常春爾條桑秋爾滌場 聚觀于巷于塗謂公暨暨公來于于公謂西人安爾室 觀之像亦不為無助蘇洵無以詰遂為之記公南京人 夫如雲天子曰唔命我張公公來自東旗纛舒舒西人 系之以詩曰 西人稽首公我父兄公在西囿草木駢駢公宴其僚伐 天子在祚歲在甲午西人傳言有寇在垣庭有武臣謀 人慷慨有大節以度量雄天下天下有大事公可屬 續文章正宗

李太白狂士也又嘗失節於永王璘比豈濟世之人哉 哇哇亦既能言昔公未來期汝棄捐禾麻芁汽倉庾崇 鼓淵淵西人來觀祝公萬年有女娟娟置随問問有童 而畢文簡公以王佐期之不亦過乎曰士固有大言而 崇嗟我婦子樂此歲豐公在朝廷天子股肱天子曰歸 多点四月全書 公敢不承作堂嚴嚴有應有庭公像在中朝服冠纓西 相告無敢免荒公歸京師公像在堂 李太白碑陰記 卷十六 龢 銊

10. N. J. 1. 亦云太白之從水王璘當由迫骨不然璘之狂肆寢陋 倫島氣蓋世可謂拔乎其萃游方之外者也吾於太白 体顯賤不憂戚戲萬乘若係友視傷列如草芥雄節邁 含宏大陵縣卿相嘲哂豪傑籠罩靡前跆籍貴勢出不 殿上固已氣蓋天下矣使之得志必不肯附權倖以取 容其肯從君於昏乎夏侯湛贊東方生云開濟明豁包 為主方高力士用事公卿大夫爭事之而太白使脫靴 無實虚名不過於用者然不可以此料天下士士以氣 廣文學正式

東者幾家僧道士食之羨栗書於籍者其幾具存使各 鄉民能自食者有幾當廩於官者幾人溝防構築可飲 知璘之無成此理之必不然者也吾不可以不辨 雖庸人知其必敗也太白識郭子儀之為人傑而不能 民使治之者幾所庫錢倉栗可發者幾何富人可募出 金分四月全世 知越州趙公前民之未機為書問屬縣笛所被者幾 (年夏吳越大旱九月資政殿大學士右諫議大 越州趙公教菑記 曾 翠

者二萬一千九百餘人以告故事歲康窮人當給栗三 書以對而謹其備州縣吏録民之孤老疾弱不能自食 次で四事中主世ョ 横文章正宗 足用也取吏之不在職而寓於境者給其食而任以事 之食憂其且流亡也於城市郊野為給粟之所凡五十 半之爱其衆相踩也使受栗者男女異日而人受二日 萬八千餘石佐其費使自十月朔人受栗日一升幼小 千石而止公飲富人所輸及僧道士食之羨者得栗四 有七使各以便受之而告以去其家者勿給計官為不

歸者募僧二人屬以視醫藥飲食令無失所時凡死者 栗之所凡十有八使耀者自便如受栗又僦民完城四 使在處隨收瘞之法廩窮人盡三月當止是歲盡五月 女者使人得收養之明年春大疫為病坊處疾病之無 民取息錢者告富人縱子之而待熟官為貴其償棄男 羅又為之出官栗得五萬二千餘石平其價予民為難 不能自食者有是具也能自食者為之告富人無得閉 百丈為工三萬八千計其傭與錢又與栗再倍之

備者其施雖在越其仁足以示天下其事雖行於一 勞州縣推布上恩人人盡其力公所扮循民尤以為得 者或便宜多輒行公於此時昼夜憊心力不少懈事細 其依歸所以經營綏輯先後終始之際委曲纖悉無不 鉅必躬親給病者樂食多出私錢民不幸惟旱疫得免 民饑饉疾癘死者殆半菑未有鉅於此也天子東向憂 於轉死雖死得無失級埋皆公力也是時早疫被吳越 而止事有非便文者公一以自任不以累其屬有上請


**大足口臣八子う** 

綾文章正宗

於朝廷豈弟之實在於身者此不著著其荒政可師者 年以大學士加太子少保致仕家于衛其直道正行在 習而有為與夫素得之者則有問矣余故采於越得公 可不待頃質作而具則公之澤豈小且近乎公元豐二 所推行樂為之識其詳豈獨以慰越人之思將使吏之 之備民病而後圖之與夫先事而為計者則有問矣不 其法足以傳後蓋菑沴之行治世不能使之無而能為 有志於民者不幸而遇歲之茁推公之所已試其科條

金分四月分重

- 1. 10 ..... /.L. 公救苗記云 清文章正宗



欽定四庫全書 續文章正宗卷十七

詳校官右中允E薩 敏

助教臣常循覆勘 校對官中書臣潘庭筠 覆校官中書臣康儀釣

**腾銀舉人臣史** 尘

灰色四草在的 图 諫爭論列指切時病 STATE STATE 續文章正宗 不為諫故臣不避屋 胡 倪 顏惟賴聖明~作 澄 歐陽修 增訂 重編 原本

麗天下之士皆共 \* 皆是陛下素所親一作任之臣一旦相繼罷去!作罷 察臣愚懇四字 故何也夫去一善人而衆善人尚在則未為小人之利 善則不過指為朋黨欲動搖大臣則必須誣以專權其 臣竊見自古小人讒害忠賢其說一作不遠欲廣陷良 すりでん ノニマ 可罷之罪臣雖供職臣職雖 在外事不審 知然 欲盡去之則善人少過難為一一一作求瑕惟有指以! 幸加省察臣伏見杜行韓琦范仲淹富弼等四字一作臣伏見杜行韓琦范仲淹富弼等 "知其有可用之賢而不聞其有 を十七

之昔年仲淹初以忠言讚議 他事動搖惟有專權是上三字一作之所惡必須此語 臣已被主知作知遇而蒙信任者字則難二字一 朋黨專權之說上惑聖聰者心字臣請試辨之 芋! 委任尤深而忽遭離間臣謂必有小人 而忽一時逐去大過而一 須此就方可傾之臣料行等四人皆蒙陛下聖恩最厚 朋黨則可一 一時盡逐別與仲淹荷陛下 時盡逐至如自古 論 和 作聞於中外天下賢 一六字 二字 無此 作四 試字 一作 有 ンソ

一欽定四庫全書 陛下擢此數人並在兩府察其臨事可見其不為朋黨 爭相稱慕當時務臣誣作朋黨猶難辨明自近年 行欲深罪滕宗諒仲淹則力請 各異於議事之際故多不相從 銳四人為性既各不同雖同一作歸於盡忠而其所見 則恢鄭自信而不疑琦則純正而質直弼則明敏而果 丹必攻河東請急修邊備富弼則! 辨也蓋杜此字行為人清慎而謹守規矩仲淹一作蓋杜一無行為人清慎而謹守規矩仲淹 十字一 議事多不相從至如杜十字一作故於至如杜 力爭而寬之仲淹謂契一作則寬之仲淹謂契 料以九事力言 作

忠臣有字不和之節而小人讒為朋黨可謂誣矣夫夫 非尹洙此數事尤一有彰著陛下素所一作知者此四 契丹公不來又! 臣胤有國之權誠非臣下之所作得專也然此字臣竊一 無私以此而言臣見行等四人一無此真得漢史所謂 相稱美之不暇及此字為國議事則公言廷詳而不作 ,作城事韓琦則是世洙而非劉滬仲淹則是劉滬而 作者可謂天下至公四字一之賢也平日問居則 4 如尹洙亦號仲淹之黨及爭水放 二字

堅不許解方敢受命然猶未敢別有所為陛下見其皆 讓至五六陛下亦五六召之一有至富弼三命學士两 權之臣必貪一有位自陛下召琦與仲淹於陕西琦等 思仲淹等自入兩府已 見其善避權也權者二字一得名位則可行故好一作 但字見其避讓太繁不見其好事作權貪位也及陛下 愈堅者愈切而陛下用之愈堅此天下之人所共知臣愈堅皆再至愈堅十五字一作未嘗不懇讓懇讓之臣 命樞密副使每一命皆再三懇讓讓者愈切陛下用之 以作來不見其專權之迹而但

欽定四庫全書 雖銳然亦此字不敢自出意見但多此字舉祖宗故事 遠大而多若迁緩但欲漸而行之以久冀皆有效弱性 老練世事必知凡百難猛事難處更張故其所陳志在 回又近作近及 名專責弼等二字 等亦不敢獨有所述因此又煩聖慈特出手詔指定姓 作以紙筆使其係事一作然衆人避讓不敢下筆弱 作其 欲其作事 一月方取略係數事然此字仲淹深 一條列大事而施行二字一 乃特山無開天章召而賜坐受 續文章正宗 列 1 凼 一弼等海

撫聖山 雖深但以邊防無備未可與爭屈志一作買和莫大之 故元昊叛逆一方而勞困及於天下北敵乘繁達盟而 然小人巧踏已而作曰專權者豈不誣哉至如兩路宣 坚下是意奏主 督責丁寧而猶遲緩自疑作事不果更無推避殉等蒙督責丁寧而猶遲緩自疑作事不果 請陛下擇而行之自古君臣相得一言道合遇事便行 陛下堅意委任 臣方怪弼等蒙陛下如此堅意委任遇事至委任十八 動其書解侮慢至有貴國二字一祖宗之言陛下慎恥 回 朝常界作遣大臣沉自中國之威近年不振

一銀定四庫全書 一人 後文章正宗 故於千官百辟之中特則作選得此數人縣加推用夫 伏惟陛下睿哲聰明有知人之聖臣下能否洞見不遺 心本欲尊陛下威權以禦四夷未見其侵權而作過也 傍海不憚勤勞欲使武備再脩國威復振臣見獨等用 故各自請行力思雪國家之前恥力思雪恥沿縁山 正士在朝羣邪所忌謀臣不用敵國之福也今此數人 辱狗等見中國界年侵凌之患感陛下不次進用之思 旦罷去而使草邪相賀於一作內四夷相質於一作 1

慈保全忠善退去之際恩禮各優今仲淹四路之任亦 紫龍至深未知報効之所今草邪爭進議巧一有正士 諫院十月之内七受聖恩而致身兩制方常也君作 陛下經營之時如弱與琦豈可置之問處伏望陛下 外此臣所以字為陛下惜之此字也伏惟陛下聖德仁 其所為猶有裨補方今西北二地 交爭未已正是天與 不輕矣惟此字顏陛下拒絕羣誘委任信作不疑使盡 於·早辨讒巧特加圖任則不勝幸甚臣自前歲召入

則必自用其所見夫以疑惑錯亂之意而自用則多失 欲為明主而常至於昏者其故何哉患於好疑而自用 臣聞自古有天下者莫不欲為治君而常至於亂莫不 繼去朝廷乃臣忘身報國之秋時 也夫疑心動於中則視聽感於外視聽感則忠邪不分 敢竭愚瞽惟陛下擇之 而是非錯亂是非錯亂則舉國之外皆可疑盡疑其臣 論臺諫言事未家聽允書 作豈可緘言而避罪

をとり記とき 一

續文章正宗

|忠臣而信邪佞天下無不亂人主無不昏也自古人主 意然後君臣爭勝於是邪伎之臣得以因隙而入希旨 王之意難回爭之切則激其君之怒心而堅其自用之 夫為人主者方與其臣爭勝而得順意之人樂其助已 多字失則其國之忠臣必以理而爭之爭之不切則人 白グロガノッド 之用心非惡忠臣而喜邪佞也非惡治而好亂也非惡 順意以是為非以非為是惟人主之所欲者從而助之 而忘其邪传也乃與之弁力 以拒忠臣夫為人主 者拒

火七日野人はから 聖也以湯之聰明其所為不至於繆戾矣然仲虺猶戒 小成湯古之聖人也不能無過而能改過此其所以為 聞書載仲虺稱湯之德曰改過不怯又戒湯曰自用則 執而與臣下爭勝用心益勞而事益惡者相去遠矣臣 主萬世仰為治君豈不臣主俱榮而樂哉與其區區自 者豁然去其疑心而回其自用之意則邪佞遠而忠言 明而欲昏也以其好疑自用而與下爭勝也使為人主 入忠言入則聰明不惑而萬事得其宜使天下尊為明 續文章正宗

宜至於治者久矣而紀綱日壞政令日乖國日益貧民 去陛下不悟宰相非其人反疑言事者好逐宰相疑心 陛下用相不得其人也近年宰相多以過失因言者罷 勤恭儉仁愛寬慈竟舜之用心也推陛下之用心天下 望累有過惡招致人言而執中遷延尚玷宰府陛下憂 治君明主也臣伏見宰臣陳執中自執政以來不叶人 其自用則自古人主惟能改過而不敢自用然後得為 インドノイニー 日益因流民滿野濫官滿朝其亦何為而致此一作

旱饑民流離死亡道路皆不暇顧而屈意以用之其故 · 翁邪很懷之執中而甘心馬言事者本欲益於陛下而 上不顧天災下不恤人言以天下之事委一不學無識 非他直欲沮言事者願言事者何員於陛下哉使陛下 以容之彼雖惶恐自欲求去而屈意以留之雖天災水 去不可因言者而罷之故宰相雖有大惡顯過而屈意 反損聖德者多矣然而言事者之用心本不圖至於此 生視聽既感遂成自用之意以謂宰相當由人主自

欽定四庫全書

七十七年

言事者益峻用執中益堅夫以萬乘之尊與三數言事 言事者欲逐執中而引用他人陛下方患言事者上忤 ·執中宰相不可以小事逐不可使小臣動摇甚者則誣 堅言事者攻之愈切陛下方思有以取勝於言事者而 小臣角必勝之力萬一聖意必不可回則言事者亦當 聖聰樂聞斯言之順意不復察其邪佞而信之所以拒 邪传之臣得以因隙而入必有希合陛下之意者將曰 也由陛下好疑自用而自損也今陛下用執中之意益 欽定四庫全書 · 卷十七 **身而愛陛下者也陛下嫉之惡之拒之絕之執中為相** 除改差繆取笑中外家私穢惡流聞道路阿意順古專 使天下水旱流亡公私困竭而又不學無識憎愛挾情 避雷霆之威不畏權臣之禍此乃至忠之臣也能忘其 陛下赫怒空臺而逐之而今日御史又復敢論宰相不 言成愚相以陛下為何如主也前日御史論深適罪惡 知難而止矣然天下之人與後世之議者謂陛下拒忠 事逢君此乃諂上傲下愎戾之臣也陛下爱之重之不

釋去疑慮察言事者之忠知執中之過惡悟用人之非 德而使忠臣直士卷舌於明時也臣願陛下廓然回心 疏出付外廷議正執中之過惡罷其政事別用賢材以 法成渴改過之聖遵仲虺自用之戒盡以御史前後章 知庶恥復出視事此不足論陛下豈忍因執中上累聖 如此直由言事者太切而激成陛下之疑惑爾執中不 忍去之陛下睿智聰明羣臣善惡無不照見不應倒置 康時務以拯斯民以全聖徳則天下幸甚臣以身叨恩□

遇職在論思意切言狂罪當萬死 論狄青劄子

姦冗不作禍亂不生自古固有伏藏之禍未發之機天 臣聞人臣之能盡忠者不敢避難言之事人主之善馭 下之人皆未知而有一人能獨 獨能言之人主又能聽 者常欲聞難言之言然後下無隱情上無一作壅聽

之人共知而獨一作人主之不知者此莫大之患也今 續文章正宗

一 飲定四車全書

而用之則銷患於未萌轉禍而為福者有矣若夫天下

得軍情之名推其所因蓋由軍士本是小人面有黥文 者已為不便今三四年問雖未見其顯過然而不幸有 青出自行伍號為武勇自用兵陝右已著名聲及捕賊 事伏而未發言者難於指陳也臣竊一作見樞密使狄 與語于問巷道路而獨不以告陛下也其故何哉蓋其 臣之所言者乃天下之人皆知而惟陛下未知也今士 廣西又薄立勞效自其初掌機密進列大臣當時言事 大夫無貴賤相與語于親戚朋友下至庶民無愚智相

我軍情而以恩信撫我青之恩信亦豈能确及於人但 |古卒不慣見如此等事便謂須是我同類中人乃能知 士以臣愚見如青所為尚未得古之名將一二但今之 |將領既能自以勇力服人又知訓練之方頗以恩信撫 經略招討常用文臣或不知軍情或不問訓練自青為 禁遂相悅慕加又青之事藝實過於人比其輩流又粗 樂其同類見其進用自言我輩之内出得此人既以為 有見識是以軍士心共服其材能國家從前難得將帥

一次定四車全書 -

續文章正宗

常談矣而惟陛下猶未聞也且唐之朱泚本非反者倉 權以止浮議而青本武人不知進退近日以來記言益 甚或言其身應圖識或言其宅有火光道路傳說以為 得已而勢使之然也臣謂青不得已而為人所喜亦將 於其身未必不為害然則青之流言軍士所喜亦其不 共稱說且武臣掌機密而得軍情不难於國家不便亦 不得已而為人所禍者矣為青計者宜自一作退避事 小人易為扇誘所謂一大吠形百大吹聲遂皆翕然喜

東論則謂青之用心有不可知者此臣之所不能決也 常才未有顯過但為浮議所喧勢不能容爾若如外人 大とりもときつ 難言者惟願陛下早聞而省察之耳如臣愚見則青一 而時君不能制患於未前爾故臣敢昧死而言人之所 者多矣汎雖自取族減然為德宗之患亦豈小哉夫小 卒之際為軍士所迫爾大抵小人不能成事而能為患 但武臣掌機客而為軍士所喜自於事體不便不計青 人陷於大惡未必皆其本心所為直由漸積以至蹉跌 續文章正宗

之迹制於未萌密訪大臣早決宸斷能青機務與一外 萌則又言無及矣臣官為學士職號論思聞外議喧沸 潘以此觀青去就之際心迹如何徐察流言可以臨事 之用心如何也伏望聖慈深思遠慮戒前世人作禍亂 金ガルでんという 處如一事權既去流議漸消息作則其誠節可明可以 制變且二府均勞逸而出入亦是常事若青之忠孝出 而事繁安危臣言在計愚不敢自默取進止 永保終始夫言未萌之患者常難於必信若俟患之己

籍于天街之中又聞城外墳冢亦被浸注棺槨浮出骸 患自古有之然未有水入國門大臣犇走渰浸社稷破 衝羽奔逃號呼畫夜人畜死者不知其數其幸而免者 ストしりにという 屋宇摧塌無以容身縛栰露居上雨下水纍纍老幼狼 壞都城者比蓋天地之變也至於王城京邑浩如敗湖 臣伏都近降詔書以雨水為災許中外臣察上封言事 有以見陛下畏天愛人恐懼修省之意也竊以雨水為 論水災疏 續文章正宗

為諮詢龔以消復竊以天人之際影響不差未有不召 骨漂流此時間之可傷見之可憫生者既不安其室死 害此陛下所以警馬作懼莫大之變隱惻至仁之心廣 者又不得其藏此亦近世水災未有若斯之甚者此外 金月四月十十日 田苗湯盡是則大川小水皆出為災逐方近畿無不被 四方奏報無日不來或云閉塞城門或云衝破市邑或 而自至之災亦未有已出而無應之變其變既大則其 云河口决千百步闊或云水頭髙三四丈餘道路隔絶

愚士知小忠而不知大體者因以為異事遂生嫌疑之 副一作刷所以承宗社之重而不可闕者也陛下臨御 萌之患害如此等事不過一二而已自古人君必有偽 論此不思之甚也且自古帝王有子至二三十人者甚 此事為言大臣亦嘗進議陛下聖意久而未決而庸臣 三十餘年而儲嗣未立此久闕之典也近聞臣察多以 宗廟社稷之重察安危禍福之機追已往之關失防未 憂亦深臣愚謂非小小有為可以塞此大異也必當思 續文章正宗

論則是常無儲嗣則人主安有儲嗣則人主危此臣所 皇子忽聞此議遂以云云爾且禮曰一有元良萬國以 皆仕至今則儲官之建久矣世之庸人偶見陛下久無 謂不思之甚也臣又見自古帝王建立儲嗣既以承宗 之邪謀自古儲嗣所以安人主也若果如庸人嫌疑之 正蓋謂定天下之根本上承宗廟之重亦所以絕臣下 享無窮之安豈有所嫌而斥其子耶若陛下鄂王豫王 多材高年長羅列於朝者亦衆然為其君父者莫不皆

创庆四月全書

卷十七

乞立太子明宗大怒謂其子從祭曰羣臣欲以汝為太 宗尤惡人言太子事羣臣莫敢正言有何澤者當上書 NA. 10 ... 1.1. 之情通故也五代之主或出武人或出夷狄如後唐明 臣不自疑而敢請漢文帝亦不疑其臣有二心者臣主 羣臣再三請立太子文帝再三讌讓而後從之當時羣 享其美少大赦天下凡為人父後者皆被思澤所以與 天下同其慶喜然則非惡事也漢文帝初即位之明年 廟之重又以為國家美慶之事故每立太子則不敢專 續文章正宗

帝立太子之後享國長久為漢太宗是則何害其為明 一多分正月全書 中外已聞不宜久而不決昨自春首以來陛下服藥干 輕發所以遲之耳非惡人言而不欲為也然朝廷大議 聖聰明洞鑒今古必謂此事國家大計當重慎而不可 但欲擇宗室為皇子爾未即以為儲貳也伏惟陛下仁 **鼰陷于大禍後唐遂亂此前世之事也況聞臣寮所請** 主也後唐明宗儲嗣不早定而秦王從榮後以舉兵窺 子我將歸老於河東由是臣下更不敢言然而 漢字文

故為陛下之應遠也今之所請天下臣民所以為愛君 如人子之侍父自古君臣未有若此之親者也下至奉 人ない日いのはんはあり 文武奉臣奉表章為陛下賀辭人墨客稱述本朝之盛 復又欲見皇子出入宮中朝夕問安侍膳于左右然後 計也陛下何疑而不從乎中外之臣既喜陛下聖躬康 禁止以此見臣民盡忠蒙陛下之德厚爱陛下之意深 臣士庶婦女嬰孩晝夜禱祈填咽道路發於至誠不可 二年大臣早夜不敢歸家飲食醫藥一無侍于左右 繞大章正宗

其心不為惡不幸為軍士所喜深恐因此陷青以禍而 甚詳具述青未是奇材但於今世將率中稍可稱耳雖 掌國機密而得軍情豈是國家之利臣前有封奏其說 既可以徐粲其賢否亦可以俟皇子之生臣又見樞密 擇宗室之賢者依古禮文且以為子未用立為儲副也 為陛下歌之頌之豈不美哉伏願皇作陛下出於聖斷 金月四月至十 使狄青出自行伍遂掌樞密始初議者已為不可今三 四年間外雖未見過失而不幸有得軍情之名且武臣 

凡所謂五行災異之學臣雖不深知然其大意可推而 CEDIE AND 至矣惟未立儲貳易曰主器莫若長子殆此之警戒平 見也五行傳曰簡宗廟則水為災陛下嚴奉祭祀可謂 乞出臣前奏使執政大臣公議此二者當今之急務也 臣之前奏乞留中而出自聖斷若陛下猶以臣言為疑 至士大夫間未有不以此事為言者惟陛下未知之爾 為國家生事欲乞且罷青福務任以一州既以保全青 亦為國家消未萌之患蓋緣軍中士卒及問巷人民以 續文章正宗

臣伏見一作近降制書除買目朝為極密使旬日以來 陳無有所諱故臣敢及之若其他時政之失必有羣臣 消彌災患而轉為福應也臣伏親一作詔書曰悉心以 者天之譴告苟不虚發惟陛下深思而早決庶幾可以 金分四月白量 應認為陛下言者臣言狂計愚惟陛下裁擇 至於水者陰也兵亦陰也武臣亦陰也此推類而易見 、情莫不疑惟縉紳公議 論賈目朝除樞密使劄子 命 漸以沸騰蓋緣作

然而自古毀譽之言未當不並進於前而聽察一作之 其用前在相位一作累害善人所以聞其再來望風恐 由昌朝稟性回邪執心傾險頗知經術能文人作飾姦 何謂其要在先察毀譽之人一作若所譽者君子所毀 際人主之所難也臣以謂能知聽察之要則不失之矣 者小人則不害其進用矣若君子非之小人譽之則可 是恐陛下聰明仁聖勤儉憂勞每於用人尤所審慎 。 作為陰謀以陷害良士小人朋附者衆皆樂為

知矣今陛下之用昌朝與執政大臣謀而用之乎與立 朝為非矣宦官官女左右使令之人往往小人也如此 誠為中外素所稱信者君子也如此等人一無皆以昌 立於朝危言謹 知其人不可用矣り其人可知 之人右謀而用之乎或不謀於臣下斷自聖心而用之官左右謀而用之乎或不謀於臣下斷自聖心而則之 朝忠正之士 四字皆以昌朝為是矣陛下察此則昌朝為人可 臣作謀而用之乎與左右近習之臣與官 作論不阿人主不附權臣其直節忠 作小人譽之君子非之 其不可用矣今有毅然

**致定四庫全書** 

料陛下必不為左右之人而用之也然左右之人謂之 朝為天下而用之乎為左右之人而用之乎臣伏思作 啓口若立朝忠正之士則無不以為非矣其稱譽昌朝 若陛下與執政大臣謀之則大臣勢在白處嫌疑少難 漸昌朝善結宦官人人喜為稱譽朝一人進一言暮一 近習朝夕出入進見無時其所讒諛能使人主不覺其 乎昨聞昌朝陰結宦豎構造事端謀動大臣以圖進用 稱信以為可用者不過官官左右之人爾陛下用昌

蓋由用非其人不叶物議而然也今昌朝身為大臣見 圖進用竊 事不能公論乃結交中貴因內降以起独一有以此規 陛下常患近歲以來一無大臣體輕連為言事者彈擊 簡在于聖心及將用之時則不必與謀一有也蓋稱為 不謀臣下一作而用之亦左右之人積漸稱譽之力也 有漸久已熟于聖聰年於聽矣是則陛下雖斷自聖心 人進一說無不稱昌朝之善者一作陛下視聽漸熟遂 4.作聞臺諫方欲論列其過惡而忽有此命

飲定四庫全書

卷十七

壞亂朝政事體必為國家生事臣愚欲望聖慈一作臣 如此既有見聞合思碑補 **論思見聖心求治甚勞而一旦用人偶失而外廷物議** 罷昌朝還其舊鎮一作則天下幸甚臣官為學士職號 作差除是以中外疑懼物論喧口 抑左右陰薦之言採縉神公正議作之論於作早 欠三日月日日 一煩聖聽若不爾則昌朝得遂一作其志傾害善人 外議已如此則使其在位居其位 必不免言事 續文章正宗 作騰也今昌朝未來 Ī

之心日夜區區未當忘此思欲再陳在瞽而未知所以 為言今者伏見兖國公主近已出降臣因竊思人之常 包容不加誅戮而愚誠懇至天聽未回臣實不勝愛君 羣臣多言皇嗣之事臣亦當因災異獨有奏陳雖聖度 諍言之未必不聽其可點而不言臣 伏見自去歲以來 金月四月白雪 不可不言者所以盡為忠之心況臣遭遇聖明容納諫 臣聞言天下之難言者不敢與必然之聽知未必聽而 論選皇子疏

皇嗣而尚有公主之爱上慰聖顏今既出降漸疎左右 獨處也其出而居外也不止百司公見奏事而已必有 色臣愚以謂宜因此時出自聖意於宗室之中選材賢 則陛下萬機之服處深宮之中誰可與語言誰可承顏 在聖哲異於凡倫其為天性於理則一陛下嚮雖未有 道莫親於父子之親人之常情亦莫樂於父子之樂雖 慰悅聖情臣考於書史竊見自古帝王雖曰至尊未當 可喜者録以為皇子使其出入左右問安侍膳亦足以

大きりをとう

-

鏡文章正宗

室子弟惟然相接如家人計其一日之中未當一時獨 也則有太子問安侍膳於朝夕其優游宴樂也多與宗 儒臣學士講論於閒宴又有左右侍從顧問語言其入 處也今陛下日御前後殿百司奏事者往往仰瞻天顔 從容親近於左右入而居內則至於問安侍膳亦關於 而退其甚幸者得承一二言之德音君臣之情不通上 而居内也不止宦官宫妾在於左右而已其平居燕寢 下之意不接其餘在廷之臣儒學侍從之列未聞一人

金为口居台雪

必立為儲貳而且養為子既可以徐察其賢否亦可以 言也伏沉陛下荷祖宗之業承宗廟社稷之重皇子未 大きり見とはう 待皇子之降生於今為之亦其時也臣言狂計愚伏俟 降儲位久虚羣臣屢言大議未決臣前所奏陳以謂未 無一人可親居內則無一人得親此臣所以區區而欲 朝名是則陛下富有四海之廣躬享萬乘之尊居外則 論包拯除三司使上書 續文章正宗

名節之士者知庶恥修禮讓不利於茍得不牽於茍隨 常務尊名節之士以風動天下而聳勵其媮薄夫所謂 在乎用人而教化之於下也不能家至而諄諄諭之故 亦勢使之然也朝廷主教化風俗之薄厚治道之汙隆 主成功惟恐其不趨賞而爭利其先材能而後名節者 法各有所宜軍旅之士先材能朝廷之士先名節軍旅 臣聞治天下者在知用人之一作在先後而已用人之 大学 グロルノコー 而惟義之所處白刃之威有所不避折枝之易有所不

大之司事在時 司使命下之日中外外議喧然以謂朝廷貪拯之材而 節以養成善士伏見陛下近除前御史中丞包拯為三 為而惟義之所守其立於朝廷進退舉止皆可以為天 亦可嗟也拯性好剛天姿峭直然素少學問朝廷事體 而為朝廷惜事體數日之間處聞拯已受命是可惜也 下同當貴名節以自此字重其身而君人者亦常全名一作當貴名節以自一無重其身而君人者亦常全名 下為拯惜名節然猶冀拯能執節守義堅讓以避嫌疑 下法也其人至難得也至可重也故其一年為士者常 續文章正宗

牛豈得無過而整冠納履當避可疑者也如拯材能資 臺中奈屬相繼論列方平由此能去而以宋祁代之又 相指陳前三司使張方平過失怒宰相不早罷之既而 不能思義此皆不足怪若乃嫌疑之迹常人皆知可避 或有不思至如逐其人而代其位雖初無是心然見得 金分口是人 聞拯亦曾彈奏宋祁過失自其命出臺中寮屬又交章 而拯宣獨不思哉昨聞拯在臺日常自至中書話賣幸 力言而祁亦因此而罷而拯遂代其任此所謂蹊田奪

望雖别加進用人豈為嫌問言其不可為者惟三司使 灰足四年在時 並起天下騷然陛下奮然四字一感悟思革其弊進用 非至於百職不修紀網廢壞時方無事固未覺其害也 及其弊也循點尚且顏如 爾非惟自涉嫌疑其於朝廷所損不細臣請原其本末 而言之國家自數十年來士君子務以恭謹靜慎為賢 三數大臣銳意於更張矣於此之時始增置諫官之員 旦强敵犯邊兵出無功而財用空虚公私困弊盗賊 續文章正宗 前作情寬弛習成風俗不以為

國非為已利錢間不入遂荷保全而中外之人久而亦 上賴陛下至聖二年至明察見諸臣本以此字忘身徇 共指言事者而非之或以謂好訐陰私或以為公相傾 一級分别賢不肖進退村不材而久弊之俗縣見而駭因 子がたとたとう 陷或謂治激名譽或謂自圖進取羣言百端幾惑上聽 以寵用言事之臣佴之舉職由是修紀綱而繩廢壞遂 中間斤去姦邪屏絕權倖拾遺殼失不可勝數是則納 漸為信自是以來二十年間臺諫之選屢得謹言之士

我可不惜哉夫言人之過似於 字下同激計逐人之位 逐二臣自居其位使将來姦传者指字一得以為說而 爾而天下之人所以為信者亦以其無所利馬令拯併 官是聽原其自始開發言路至於今日之成效豈易致 似於傾陷而言事之臣得以自明者惟無所利於其間 之人凡所舉動每畏言事之臣時政無巨細亦惟言事 朝廷補助之效不為無功今中外習安上下已信織邪 諫之善 作從古所難自陛下臨御以來實為盛德於

一次定四車全書 一人 編文章王宗

時言事之臣傾人以覬得相習而成風此之為患豈謂 所不取而不為可以風天下以魚恥之節而拯取其所 惑亂主聽今後言事者不為人信而無以自明是則聖 小哉然拯所恃者惟以本無一作心耳夫心者藏於中 不宜取為其所不宜為豈惟自薄其身亦所以開誘他 有所不為之謂恥近臣舉動人所儀法使拯於此時有 朝 川作用諫之功一旦由拯而壞夫有所不取之謂魚 《所不見迹者示於外而天下所瞻令拯欲自信其 卷十七 難今又復見陛下用諫之效已若實不欲因拯而壞之 甚臣叨塵侍從職號論思告當親見朝廷致諫之初甚 得避嫌疑之迹以解天下之惑而全拯之名節不勝幸 學問不深思慮不熟而處之乖當其人亦可惜也伏望 如拯者少有孝行聞於鄉里晚有直節著在朝廷但其 雖欲自信人誰信之此臣所謂嫌疑之不可不避也況 不見之心而外掩天下之迹是猶手探其物口云不欲 陛下别選材臣為三司使而處拯他職置之京師使拯

一次定四車全書 一 鏡文章正京

常務至於謀猷啓沃茂爾無聞上喜聖恩下愧清議人 關大體必須衆議之協同其餘日逐進呈皆是有司之 府其於報效自宜如何而自居職以來已逾半歲凡事 者為朝廷惜也臣言在計愚伏俟誅戮 雖未責臣豈上作自安所以風夜思惟願竭愚慮尚有 臣材識庸暗碌碌於衆人中蒙陛下不次拔擢置在個 採真裡萬一臣近見諫官唐介臺官范師道等吳言 論臺諫官唐介等宜早奉復劉子

謂自古人臣之進諫於其君者有難有易各因其時而 立朝各有本末前後一有言補益甚多豈於此時頓然 知臺諫所言是非但見唐介范師道皆久在言職其人 陳旭事得罪或與小郡或竄遠方陛下自臨御已來擢 已若剛暴猜忌之君不欲自聞其過而樂聞臣下之過 改節故為欺罔上昧聖聰在於人情不宜有此臣竊以 用諍臣開廣言路雖言者時有中否而聖慈每賜優容 旦臺諫聯翩被逐四出命下之日中外驚疑臣雖不

| 吹ご四車全書

續文章正宗

私言交入于耳此所以聽之難也若知其人之忠邪辨 易言大臣者難此不可不察也自古人主之聽言也亦 及見聽而怨仇已結於其身故於此之守時諫人主者 全之而為大臣者外東國權內有左右之助言事者未 自聞其失則從諫如流聞臣下之過則務為優容以保 有難有易在知其術而已夫忠邪並進於前而公論與 人主好察多疑於上大臣側足畏罪於下於此之時諫 人主者難而言大臣者易若寬仁恭儉之主動遵禮法

爭傳衆目共視雖欲為私其勢不可故凡明言于外不 乞留中或面言乞出自聖斷不欲人知言有主名者蓋 畏人知者皆公言也若非其言職又不敢顯言或密奏 若可惡者此忠臣之言也言婉而順希旨合意初聞若 其言涉傾邪懼遭彈劾故凡陰有奏一有而畏人知者 正色顯言于廷或連章列署共論其事言一出則萬口 其言之公私則聽之易也凡言批而直逆耳違意初聞 可喜者邪臣之言也至於言事之官各舉其職或當朝 街文章正宗

言易也伏惟陛下仁聖寬慈躬履勤儉樂聞諫諍容納 |多定四库全書 博貶春州別駕至和初吳中復吕景初馬遵言宰相梁 淹言宰相吕夷簡貶知饒州皇祐中唐介言宰相文彦 則易欲言大臣則難臣自立朝耳目所記景祐中范仲 惜名節尤慎重於進退故臣謂方今言事者規切人主 直言其於大臣尤所優禮常欲保全終始思與臣下愛 ·皆挾私之說也自古人主能以此術知臣下之情則聽 適並罷職出外其後趙抃范師道言宰相劉沅亦罷職 

陳旭得罪自范仲淹貶饒州後至今凡二十年間居臺 進二字入臺未久其他四人出處本末迹狀甚明可以 諫者多矣未聞有規諫人主而得罪者臣故謂方今諫 **歴數也唐介前因言文彦博遠窟廣西烟瘴之地賴陛** 出外前年韓終言富弼貶知蔡州今又唐介等五人言 下仁恕哀憐移置湖南得存性命范師道趙抃並因言 可知其用心矣昨所罷點臺諫五人惟是從二字下誨 人主則易言大臣則難陛下若推此以察介等所言則 てこうこ トニラ 續文章正宗

動好四母全書 内顧私恩與之爭議絳終得罪夫牽顧私恩人之常情 悔蓋所謂進退一節終始不變之士也至如王陶者本 師道與抃不以中滞進用數年為戒遇事必言得罪不 者又以言樞臣罷熟然則介不以前蹈必死之地為懼 件劉流能臺職守外郡連延數年然後 有復今三人 出孤寒只因韓絳薦舉始得臺官及絳為中丞陶不敢 爾斷恩以義非知義之士不能也以此言之陶可謂狗 公滅私之臣矣此四人者出處本末之迹如此可以知 

之利而介等盡忠守節未蒙憐察也欲望聖慈特賜召 其可惜者斤逐諫臣非朝廷美事阻塞言路不為國家 等比者雖為謫官幸蒙陛下寬恩各得為郡未至失所 搖大臣可明矣臣固謂未可以此疑言事之臣也況介 為黨乃與諸臺諫共論終為非然則非相朋黨非欲動 至於去歲一年十韓終言富弱之時介與師道不與絲 事之臣好相朋黨動搖大臣以作威勢臣竊以謂不然 其為人也就使言雖不中亦其情必無他議者或謂言 火七の車をはり 續文章正宗

臣伏以國家與大役動大衆必先順天時量人力謀於 於故道已下三司候今秋與役見令京東計度物料次 還介等置之朝廷以勸守節敢言之士則天下幸甚 其始而審然後必行計其所利者多乃能無悔伏見比 臣竊見朝廷近因臣奈建議欲塞商胡開横壠回大河 論修河第一狀

年以來與役勤,作眾勞民費財不精誤慮於殿初輕

信利害之偏說舉事之始

作既已倉皇奉議一摇尋

たかり見ない 火民庶愁苦盈於道塗或物已輸官或人方在路未及 萬梢艾搔動六路一百有餘州軍守官吏催驅急若星 所用物力數倍往年當此天災歲旱之時民困國貧之 修河之役聚三十萬人之衆開一千餘里之長河計其 斯雖既往之失難追而可鑒之蹤未遂今者又間復有 胡是時執政之臣不慎計慮遽謀修塞科配一千八百 與役處已罷修虛費民財為國飲怨舉事輕脫為害若 復悔罷臣不敢遠引他事上煩聖聰只如往年河決商 織文章正宗

稍歸復然死亡之餘所存無一作幾瘡痍未飲物力未 之後繼以凶年人户流亡十失八九數年以來人稍如 聚大眾與大役此其必不可者一也河北自恩州用兵 常務安靜振恤之猶恐饑民起而為盜何況於此兩路 已及莫春栗未布種不惟目下乏食魚亦向去無望而 秋以及今春半天下苦旱而京東尤甚河北次之國家 際不量人力不順天時臣知其有大不可者五蓋自去 己作今又遭此旱歲京東自去冬無雨雪麥不生苗

金万里是人

為此又一大役也往年公私有力之時與一大役尚須 大役也自横堆至海一千餘里塌岸久已廢壞頓須修 能與役況今國用方乏民力方渡且合商胡塞大決之 未如今日貧虚然猶收聚物料誘率民財數年之間方 為赴役就河便近則此兩路力所不任此其必不可者 欲於此兩路與三十萬人之役若別路差夫則遠處難 洪流此自是一大役也鑿橫壠開久廢之故道此又一 二也臣伏見徃年河決滑州曽議修塞當時公私事力

次足四年全日

1

續文章正宗

就下而水患乃息然則以大禹之神功不能障塞其流 洪範五行之書知水趨一作下之性乃因水之流疏決 道未必可回者哉臣聞縣障一作洪水九年無功禹得 宜重一作祭天時人力之難為何況商胡未必可塞故 之際此其必不可者三也就今商胡可塞故道可回猶 數年今併三大役倉平與為一無於災旱一作於質虚 正流斡以人力而回注此大禹之所不能此其必不可 但能因而疏決爾今欲逆水之性障而塞之奪洪河之

たとりにという 所起之方尤宜加意防懼今乃欲於凶旱之年聚三十 湯如此不止僅乎十年天地警戒必不虛發臣謂變異 此其必不可者五也臣伏見國家界歲災譴甚多其於 |減得功料全少功料少則所開淺俠淺俠則水勢難回 遭故樞密直學士張奎計度功料極大近者再行檢計 故道已塞一作而難鑿安流已久而難回昨聞朝廷曾 者四也横雅湮塞已二十年商胡決流流決又亦數歲 京東變異尤大地貴安靜動而有聲巨遇山推海水搖 續文章正宗

災又間河役將動往往伐桑拆毀作屋無復生計流亡 此凶气作歲務安人心徐詔有司審詳利害縱令河道 盗賊之患不可不虞欲望聖慈特降德音速罷其事當 萬之大衆於變異最大之方臣恐地動山搖災禍自此 金人口周石量 而始一作自茲方今京東赤地千里機健之民正苦天 見得於外論不敢不言 可復乞候 荒 論西賊議和利害狀 大作豐年餘力漸次與為臣實庸愚本無遠 卷十七

若許賊不稱臣則處北戎別索中國名分此誠大患然 合辨明伏自西賊請和以來衆議頗有與同多謂朝廷 愚見不思遠患欲急就和臣雖知必不能上惑聖聰然 蓋由陛下至聖至明不苟目前之事能慮嚮去之憂斷 こうこう 祖必欲令其稱臣然後許和此乃國家大計廟堂得策 臣伏自一作如定等到京以來竊聞朝議不許賊稱吾 亦慮萬一少生疑沮則必壞已成之計臣職在言責理 白宸東決定大議然數日來風聞頗有無識之人妄陳 讀文章正宗 茜

遭賊而敗非是賊能善戰蓋由我自緣謀令如遣范仲 然於後患不免也此有識之士憂國之人所以不願急 騎兵當吾壁旅使我因而獲勝則善不可加但得兩不 和者也今若不許通和不過懼賊來冠耳且數年西兵 臣與不臣皆有後害如不得已則臣而通好猶勝不臣 相傷亦已一作挫賊銳氣縱仲淹不幸小敗亦所失不 臣猶謂縱使賊肯稱臣則北戎尚有邀功責報之患是 淹處置邊防稍不失所則有賊之勝負尚未可知以彼

多定匹库全書

卷十七

自偷目下安逸他時後患任陛下獨當此臣所謂不忠 鄙者勞於戎事若有避此勤苦茍欲陛下屈節就和而 西之民欲急和自用兵以來居廟堂者勞於斡運在邊 五一曰不忠於陛下者欲急和二曰無識之人欲急和 至如前後之緣謀一作是此於通和之後别有大思則 三日姦邪之人欲急和四曰疲兵懦將欲急和五曰映 所损猶少此善筭之士見遠之人所以知不和害小而 不懼未和也臣謂方今不羞屈志急欲就和者其人有 續文章正宗

西民困乏意必望和請因宣撫使告以朝廷非不欲和 此臣所謂懦將疲兵欲急和也此四者皆不足聽也惟 大抵古今人主憂勤小人所不願也此臣所謂姦邪之 事而望聖心怠於庶政事作因欲進其邪佞惑亂聰明 未發此臣所謂無識之人欲急和者也自兵與以來陸 之臣欲急和者也和而偷安利在目下和後大患伏而 下憂勤庶政令小人但欲茍和之後寬陛下以太平無 人欲急和也屢敗之軍不知得人則勝但謂賊來常敗

多好四年全書

卷十七

次に可見という 而善算有成則社稷之福也 **而賊未遜順之意然後深戒有司實其力役** 切小人無識之論伏望聖慈絕而不聽使-續文章正宗 議不沮

金月中月月十十 續文章正宗卷十七